

○中 按千金翼方證類本草烏喙條云長三寸已上為天雄則知此所引本條之文非陶注也本草和名云天雄烏喙三寸以上為天雄不著出典故源君誤併為陶注也按陶注云天雄似附子細而長便是長者乃至三四寸許○中所引文○八月證類本草載陶蘇及諸注皆無有按本草和名引疏曰八月採為附子邊角大者為側子則知此所引疏文也按陶云附子以八月採又側子注云此即附子邊角之大者脫取之是本草疏所本蘇云側子只是烏頭下共附子天雄同生小者側子與附子皆非正生謂從烏頭傍出也以小者為側子大者為附子今稱附子角為側子理必不然蜀本圖經云今據附子邊果有角如大棗核及檳榔已來者形狀亦自是一類仍不小是則烏頭傍出附子附子傍出側子明矣又云苗高二尺許葉似石龍芮及艾其花紫赤其實紫黑圖經曰苗高三四尺以來莖作四稜葉如艾花紫碧色作穗實小紫黑色如桑椹○中吳普本草云烏頭正月始生葉厚莖方中空葉四夕相當與蒿相似十月採形如烏頭有兩歧相合如烏之喙者名云烏喙又云側子八月採是附子角之大者是陶氏所本皆以形狀為別者也御覽引博物志云物有同種而異用者烏頭天雄附子一物春夏秋冬採之各異名醫別錄云冬月採為附子春採為烏頭此皆以時候為別者也廣雅云一歲為煎子二歲為烏喙三歲為附子四歲為烏頭五歲為天雄此以年歲為別者也本草圖經云烏頭烏喙天雄附子側子五品都是一種所產冬至前布種至次年八月後方成本只種附子一物至成熟後有此四物收時仍一處今一年種之便有此五物豈今人種蒔之法用力倍至故爾繁盛也王念孫曰諸名對文則異散文則有通者

〔下學集〕下附子草木烏頭藥毒

〔多識編〕二附子於宇今俗云布須伊毛異名其母名川烏頭和名今案於宇乃波波天雄今案於宇

乃須須利己異名白慕經本側子今案於宇乃古異名煎子漏藍子今案於宇乃末留故烏喙今案

於宇乃布多末多古金鴉綱目草烏頭今案伊布須蝦夷搗莖煎汁傳箭射禽獸白附子今案志呂於